

27 JUN 2003

DINAR-KONVENSYEN

KONVENSYEN DINAR EMAS DI PWTC DISIAR SECARA LANSUNG DI RTM 1

KUALA LUMPUR, 27 Jun (Bernama) -- Ucapan dasar perasmian Konvensyen Antarabangsa Mengenai Dinar Emas pada 1 Julai ini di Pusat Dagangan Dunia Putra (PWTC), oleh Perdana Menteri Datuk Seri Dr Mahathir Mohamad akan disiarkan secara langsung.

Radio TV Malaysia (RTM) akan menyiarkan siaran itu mulai pukul 10.10 pagi menerusi RTM 1. Konvensyen itu bermula jam 9.30 pagi.

"Liputan secara langsung ini menunjukkan berapa pentingnya kerajaan dalam menjayakan impian Dr Mahathir dalam merealisasikan penggunaan dinar emas sebagai medium perdagangan di kalangan negara-negara Islam di seluruh dunia," kata Pengarah Konvensyen Datuk Raja Mohammad Raja Abdullah.

Konvensyen tersebut dianjurkan oleh Dewan Perniagaan Islam Malaysia.

Beliau berkata, setakat ini, lebih daripada 400 peserta dari dalam dan luar negara telah mengesahkan penyertaan. Mereka termasuk peserta dari negara-negara Islam.

Raja Mohammad berkata, para peserta dijangka membahaskan beberapa perkara yang penting dalam melaksanakan penggunaan dinar emas terutamanya dalam sektor ekonomi.

Katanya lagi, konvensyen tersebut akan dijadikan medan terbaik bagi merumuskan ataupun membentuk sistem pembayaran dan perdagangan mata wang tersendiri. -- BERNAMA

WNZ AHM